

Taarifa kwa Vyombo vya Habari

Hizb ut Tahrir Tanzania Inatoa Mwito Kuachiwa Huru Mahabusu wote 12 Waliokamatwa Kwa Mara ya Pili (Imetafsiriwa)

Hizb ut Tahrir / Tanzania inalaani kwa nguvu zote kitendo cha kukamatwa tena mara ya pili kwa wanaodaiwa kuwa watuhumiwa wa ugaidi ambao waliachiwa huru mnamo tarehe 4 Machi 2025 baada ya kushikiliwa kwa miaka kumi.

Watuhumiwa wenyewe ni wafuatao:

1. Ali Mohammed Ulatule (70)
2. Khamisi Mohammed Ulatule (61)
3. Nassoro Suleiman Ulatule
4. Rajab Ali Mohammed Ulatule
5. Ramadhani Khamisi Mohammed Ulatule
6. Saidi Abdallah Chambeta
7. Fadhili Shaabani Lukwembe
8. Mnemo Qassim Mwatumbo
9. Abdallah Bushiri Kalukula
10. Khamisi Ally Masamba
11. Omari Abdallah Makota
12. Mohammed Hassan Ungando

Watuhumiwa wote hao waliotajwa waliachiwa huru wiki iliyopita baada ya Afisi ya Mkurugenzi wa Mashtaka (DPP) kutangaza kwamba haina dhamira ya kuendelea na shauri lao, lakini kwa ukatili bila ya haya vyombo vya dola vimewatia tena nguvuni na kuwaweka mahabusu katika mwezi huu mtukufu wa Ramadhan.

Ni jambo la kuhuzunisha sana kwamba vyombo vya dola vimewaweka tena watu hao mahabusu kwa mara ya pili bila ya kujali misingi ya utu, kwa kuwa mahabusu hao walikwisha wekwa mahabusu kabla kwa muda mrefu bila ya hatia chini ya kisingizio cha dhulma cha "Uchunguzi Unaendelea", ilhali miongoni mwao wakiwa na umri mkubwa, baadhi kutoka familia moja (Nambari 1-5) ambao awali walikuwa watu saba, kwa masikitiko makubwa wawili wamefariki wakiwa ndani ya mahabusu. Zaidi ya yote hayo hakuna malipo yoyote ya fidia watakayopewa.

Hizb ut Tahrir Tanzania imekuwa ikisema mara nyingi kwamba Sheria ya Kupambana na Ugaidi ni sheria ya kigeni ya kikoloni yenye misingi ya dhulma ikigubikwa na mengi ya kutia shaka katika miamala yake kwa kesi zinazoitwa za ugaidi kwa Waislamu wa Tanzania na penginepo. Miongoni mwa maswali msingi katika uendeshaji wa kesi hizo ni kwa nini ushahidi wa kesi hizo hauwasilishwi mbele ya mahakama? Kwa nini watuhumiwa hawapewi haki ipasavyo ya kesi zao kusikilizwa kwa muda muwafaka? Kwa nini watuhumiwa hawapewi dhamana? Kwa nini wakati mwingine watuhumiwa hukamatwa tena mara ya pili baada ya kuachiliwa huru? nk.

Jibu pekee linalodhihirika kwa maswali hayo ni uwepo wa ajenda ya kidhulma kwa kisingizio cha kupambana na ugaidi.

Hizb ut Tahrir Tanzania inatoa wito kwa Waislamu na wapenda haki wote kupaza sauti zao dhidi ya kitendo hiki cha kunajisi haki, pia tunazitaka taasisi zote za kusimamia haki nchni Tanzania kushikamana na maamuzi ya Mkurugenzi wa Mashtaka (DPP) kwa kuwaachilia huru mara moja watuhumiwa wote 12.

Masoud Msellem

Mwakilishi kwa Vyombo vya Habari wa Hizb ut Tahrir Tanzania

Simu: +255778 870609

Pepe: mediarep@hizb.or.tz

Tovuti ya Hizb ut Tahrir Tanzania:

www.hizb.or.tz

Tovuti Rasmi ya Hizb ut Tahrir:

www.hizb-ut-tahrir.org

Tovuti ya Afisi Kuu ya Habari ya Hizb ut Tahrir:

www.hizb-ut-tahrir.info